



**D**Rusus patre Germano Tiberio Nerone natus est. Cū huius mater Liuiā Drusilla ex marito grauida esset, eam Augustus Imperator uxorem duxit, atq; ob singularem formam & pudicitiam unice dilexit. Hęc post tertium mensem Drusum hunc peperit. Is cum adoleuisset à uित्रico in Germaniam missus, ut ijs in locis legionibus præesset. Ibi Drusus ob magnas corporis & animi uirtutes res multas contra Romanorum hostes præclare egit, ac Moguntię sedem habuit. Cum etiam progenitoris sui patriam amaret, ea loca multis ædificijs exornauit, atq; apud Rauracos sexaginta arces cōstruxit. Pōst etiam Rheni tractum (uictor

ubicq; existens) in Prouincię formam rededit, & Germanici cognomen impetrauit. Itaque absens Romę cum Calphurnio, & postea L. Quintio Crispino, anno ante Christi natiuitatem octauo, consulatum obtinuit. Huius Drusi multa adhuc passim ad Rhenum monumēta extant. Cum enim Rhetos prælio superasset, Vallem Drusianam de se cognominauit, quę hodie Vualgauri dicitur. Extat etiam circa Moguntiam Drusi domus, quam hodie uillam Drechshausen uocāt. Tandem uerō Drusus Moguntię ob equi lapsum crus fregit, atque uulneris acerbitate obiit. Eius corpus in cineres pro more redactum, milites circa Moguntiam in alta columna conseruarunt, atque ibi dijs suis sacra obtulerunt. Huius frater senior Claudius Tiberius ab Augusto adoptatus, deinde tertius Cæsar extitit. Reliquit etiam Drusus filium Tiberium Claudium, qui postea Romę quinto loco magna cum laude Rempubli cam administrauit. Liuius. Suet. Auentinus.